



FEDERALNO MINISTARSTVO RAZVOJA,
PODUZETNIŠTVA I OBRTA

PROJEKAT BR. 3
„UNAPREĐENJE INSTITUCIJSKE PODUZETNIČKE INFRASTRUKTURE“

SMJERNICE ZA PODNOSIOCE PROJEKTNIH PRIJEDLOGA

**SMJERNICE ZA PODNOSIOCE PROJEKTNIH PRIJEDLOGA
PROJEKAT BR.3
„UNAPREĐENJE INSTITUCIJSKE PODUZETNIČKE INFRASTRUKTURE“**

Svrha projekta:

Uređenje i opremanje prostora za prihvata malih i srednjih poduzetnika, odnosno poduzetnika početnika; razvoj poduzetničkih potpornih institucija (poduzetničkih centara, poduzetničkih inkubatora, tehnoloških parkova akceleratora, klastera i razvojnih agencija); unapređenje učinkovitosti proizvodnje i proizvodnih procesa na tržištu malih i srednjih preduzeća umreženih u klastere; privlačenje investicija i stvaranje mogućnosti za otvaranje novih radnih mjesta; sufinansiranje odobrenih EU projekata koji podržavaju razvoj poduzetništva.

Kriteriji za raspodjelu sredstava:

Namjena projekta, izvori - način finansiranja, broj članova klastera odnosno broj MSP-a u inkubatoru ili tehnološkom parku, ravnomjerniji regionalni razvoj (stepen razvijenosti JLS), poticaji Ministarstva u posljednjih pet (5) godina.

Kriterij	Način raspodjele bodova		
Namjena projekta	<i>Nabavka opreme</i>	30	<i>bodova</i>
	<i>Ulaganja u objekat</i>	25	<i>bodova</i>
	<i>Organizacija edukacija</i>	20	<i>bodova</i>
	<i>Konferencije, simpoziji, okrugli stolovi</i>	10	<i>bodova</i>
	<i>Ostalo</i>	5	<i>bodova</i>
Izvori-način finansiranja	<i>do 20% od FMRPO</i>	25	<i>bodova</i>
	<i>20,01 do 40% od FMRPO</i>	20	<i>bodova</i>
	<i>40,01 do 60% od FMRPO</i>	15	<i>bodova</i>
	<i>60,01 do 80% od FMRPO</i>	10	<i>bodova</i>
	<i>80,01% i više od FMRPO</i>	5	<i>bodova</i>
Broj članova klastera, odnosno broj MSP-a u inkubatoru i tehnološkom parku	<i>preko 20 članova</i>	10	<i>bodova</i>
	<i>od 15 do 20 članova</i>	7	<i>bodova</i>
	<i>od 10 do 15 članova</i>	5	<i>bodova</i>
	<i>do 10 članova</i>	3	<i>bodova</i>
Ravnomjerniji regionalni razvoj (stepen razvijenosti JLS)	<i>V stupanj</i>	10	<i>bodova</i>
	<i>IV stupanj</i>	8	<i>bodova</i>
	<i>III stupanj</i>	6	<i>bodova</i>
	<i>II stupanj</i>	4	<i>bodova</i>
	<i>I stupanj</i>	2	<i>bodova</i>
Dosadašnji poticaji od strane Ministarstva	<i>nije bilo poticaja zadnjih 5 godina</i>	25	<i>bodova</i>
	<i>do 5.000 KM</i>	20	<i>bodova</i>
	<i>od 5.001 do 10.000 KM</i>	15	<i>bodova</i>
	<i>od 10.001 do 15.000 KM</i>	10	<i>bodova</i>
	<i>15.001 do 20.000 KM i više</i>	5	<i>bodova</i>
	<i>20.001 KM i više</i>	0	<i>bodova</i>

Kategorija korisnika sredstava:

Korisnici sredstava su poduzetničke potporne institucije s područja Federacije BiH (poduzetnički inkubatori, tehnološki parkovi, akceleratori, poduzetnički centri, klasteri i razvojne agencije) koje imaju najmanje 1 (jednog) zaposlenog na neodređeno vrijeme.

PRIJAVA MORA OBAVEZNO SADRŽAVATI:

1. Pravilno popunjen Zahtjev za uključivanje u projekat - Obrazac projekta

U poglavlju Podnosilac zahtjeva

Popuniti sve tražene rubrike

U poglavlju II - 1 – Sažetak projekta - navesti osnovne elemente planiranog projekta, planirane aktivnosti, cilj i očekivane rezultate.

U poglavlju II - 2 – Namjena utroška finansijskih sredstava - navesti tražene podatke o namjeni utroška finansijskih sredstava u cilju realizacije projekta, kao i odnos vlastitih sredstava i sredstava Ministarstva u finansiranju projekta. Korisnik sredstava će biti dužan pravdati utrošak ukupnih sredstava predviđenih za realizaciju projekta, kako vlastitih tako i sredstava Ministarstva. Pravljanje će se vršiti sa odgovarajućom dokumentacijom, čiji datumi mogu biti samo poslije datuma objave Javnog konkursa u Službenim novinama Federacije BiH. Za sva neopravdana sredstva Ministarstvo će pokrenuti proceduru povrata istih sukladno Zakonu i to u iznosu koji je proporcionalan učešću sredstava Ministarstva u realizaciji ukupnog projekta.

NAPOMENA: Ukoliko aplicirate za sufinansiranje odobrenih EU projekata, aplikacija za ovaj projekat može sadržavati samo dio EU projekta koji će se realizovati u vremenskom okviru navedenom u aplikaciji i budžet koji se odnosi na taj dio EU projekta, jer će korisnici grant sredstava Ministarstva biti dužni pravdati utrošak ukupnih sredstava navedenih u aplikaciji, kako vlastitih tako i sredstava Ministarstva. Pod vlastitim sredstvima se podrazumijevaju i sredstva od EU projekta.

Kao dokaz o sufinansiranju projekta od strane EU i drugih donatora potrebno je dostaviti ugovor o sufinansiranju.

Sredstva predviđena za realizaciju projekta **ne mogu** sadržavati troškove tekućih komunalnih usluga (telefon, struja, voda, gas i sl.), osobnih dohodaka/plaća, doprinosa, službenih putovanja i ostalih naknada djelatnicima korisnika sredstava, konzumiranja jela, pića i sličnih aktivnosti.

Maksimalan iznos sredstava koji se može zahtijevati od strane Federalnog ministarstva razvoja, poduzetništva i obrta iznosi 8.000,00 KM.

U poglavlju II – 3 Period implementacije - projekta/utroška finansijskih sredstava – navesti vrijeme potrebno za implementaciju projekta odnosno utroška finansijskih sredstava. Maksimalno vrijeme implementacije je šest (6) mjeseci.

Na kraju dokumenta obavezno navesti mjesto, datum i potpis odgovorne osobe, te ovjeriti pečatom podnosioca zahtjeva.

2. Ostala dokumentacija

Uz Zahtjev za uključivanje u projekat – Obrazac projekta potrebno je dostaviti sljedeću dokumentaciju:

- (1) Rješenje o registraciji/Akt o osnivanju
- (2) Statut podnosioca zahtjeva
- (3) Uvjerenje o poreznoj registraciji (ID ili PDV broj)
- (4) Uvjerenje od Porezne uprave Federacije BiH o izmirenim obavezama po osnovu poreza i doprinosa, **sa brojem ili listom osiguranih osoba za obveznika**
- (5) Uvjerenje o izmirenim obavezama po osnovu PDV-a (ukoliko je PDV obveznik)
- (6) Potvrdu o prebivalištu za odgovornu osobu (CIPS)
- (7) Popis članova klastera, odnosno MSP-a u inkubatoru i tehnološkom parku
- (8) Izjava o realizaciji projekta (I-1)
- (9) Izjava o neosuđivanosti i nevođenju postupka po osnovu privrednog kriminala (I-2)
- (10) Izjava o nesudjelovanju u koruptivnim radnjama (I-3)
- (11) Izjava o primljenim de minimis pomoćima i drugim državnim pomoćima (I-4)

Naprijed navedenu dokumentaciju složiti po datom redoslijedu

Svi prilozi trebaju biti izdani od strane nadležnih organa. Priložena dokumenta ne smiju biti starija od tri (3) mjeseca od dana objavljivanja ovog konkursa u „Službenim novinama Federacije BiH“, odnosno 06.05.2022.godine, izuzev rješenja o registraciji, statuta i uvjerenja o poreznoj registraciji. Sve priložene kopije dokumenata trebaju biti ovjerene od strane nadležnih organa ovjerom ne starijom od tri (3) mjeseca od dana objavljivanja Javnog konkursa u „Službenim novinama Federacije BiH“.

Obrasci izjava

Sve Izjave sa tekstom koje je sačinilo ovo ministarstvo trebaju biti čitko popunjene i potpisane od strane odgovorne osobe – podnosioca zahtjeva.

Izjava I-1 i izjava I-4 trebaju biti ovjerene pečatom firme.

Izjava I-2 i izjava I-3 trebaju biti ovjerene od strane nadležnih upravnih organa ili notara.

Obrazac Zahtjeva za uključivanje u projekt - Obrasca projekta i sve izjave mogu se preuzeti na internet stranici Ministarstva www.fmrpo.gov.ba i trebaju biti popunjene elektronski.

NAČIN PODNOŠENJA PRIJAVE

Prijave sa odgovarajućom dokumentacijom šalju se preporučeno poštom u zapečaćenim kovertama na adresu:

**Federalno ministarstvo razvoja, poduzetništva i obrta
dr. Ante Starčevića b.b. (Hotel „Ero“) 88000 Mostar,**

sa naznakom:

Ne otvarati–po Javnom konkursu za Projekat br. 3 „Unapređenje institucijske poduzetničke infrastrukture“

Na poledini koverta obavezno navesti:

- **naziv–ime podnosioca prijave;**
- **adresu i kontakt telefon;**
- **ovjeriti pečatom podnosioca prijave.**

Prijave se dostavljaju zaključno sa 31.05.2022.godine (utorak), odnosno prihvatit će se prijave koje imaju poštanski pečat najkasnije sa navedenim datumom.

Neblagovremene prijave, prijave koje nemaju sve potrebne elemente kao i prijave koje ne ispunjavaju uslove Javnog konkursa bit će odbačene.

U postupku Javnog konkursa Ministarstvo ne snosi nikakve troškove sudionicima na konkursu te zadržava pravo da u slučaju opravdanosti poništi Javni konkurs.

Prispjela dokumentacija se neće vraćati.

IZBOR KORISNIKA

Izbor korisnika grant sredstava vrši Komisija za odabir korisnika sredstava. Komisiju za odabir korisnika sredstava imenuje federalni ministar razvoja, poduzetništva i obrta.

Zadatak Komisije je da u skladu sa odredbama Pravilnika o postupcima u provođenju Programa razvoja male privrede („Službene novine Federacije BiH“, broj 50/13, 55/13 i 86/13) i na osnovu propisanih kriterija iz Odluke o usvajanju Programa utroška sredstava tekućih transfera utvrđenih Budžetom Federacije Bosne i Hercegovine za 2022. godinu Federalnom ministarstvu razvoja, poduzetništva i obrta i ovog javnog konkursa, izvrši rangiranje korisnika grant sredstava.

Ukoliko zahtijevana poticajna sredstva budu veća u odnosu na planirana, Ministarstvo će raspodjelu istih izvršiti u skladu s utvrđenom rang listom do utroška planiranih sredstava.

Nakon obrade prispjelih prijava Ministarstvo će objaviti rezultate Javnog konkursa u „Službenim novinama Federacije BiH“ i na internet stranici Ministarstva, a podnosioci prijava se neće pojedinačno obavještavati.

Sa podnosiocima prihvaćenih prijava Ministarstvo zaključuje ugovore, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.

*Podnosioci prijava čije se prijave odbace, mogu uložiti prigovor Ministarstvu u roku od **osam (8) dana** od dana objave rezultata Javnog konkursa u „Službenim novinama Federacije BiH“, radi provjere činjenica i objektivnosti ocjene ponude.*

*Sva dodatna pitanja u vezi ovog Javnog konkursa se mogu dostaviti putem elektronske pošte, najkasnije u roku od **sedam (7) dana** prije isteka roka za podnošenje prijava, sa jasno naznačenim nazivom konkursa u predmetu poruke, i to na sljedeću e-mail adresu: grant2022@fmrpo.gov.ba.*

Svi odgovori na pitanja koji mogu biti relevantni i za ostale podnosiocima prijava biti će objavljeni na internet stranici Ministarstva.